

=====

NOVEM 1963

VOK DE NEO

Apreni sem

Si sem ridende!..

=====

vvvvvvvvvvvvvvvvvvvvvv

vvvvvvvvvvvvvvvvvvvvvv

Van tu rakontar, fi it plaze.

Em un bon ezemplo.

Un anekdot vo mi adsir

VAN ? Kelyes, somyes ? No, no !

S e r y e s

VO ? Kelye , somye ? Anuve : nã ! In un cerko, donk cerkye.

Ki sir lo luder ? Kelun, somun, sertun ?

Ende nokyes, NO, mo tosimple un SIM = un cimpanzeo.

_____ Pli no rideli etyes : ya, na frat de tos ! _____

Lo cimpanzeo entrar nel aren e gar torekte ver un spekter sidat in un palko.

Et spekter werir un kepih.

Lo cimpanzeo donk nirar e dar a il lo man (...lo zampo !)

Do, il se sidar antel tablo ol sidil. IL SONAR

Lo garson arivar e askar lo k'il dezar.

A ya, esklamar lo garson ; il dezar toprime som sup. Il donk en aportar.

Kalme e grave, lo sim degustar lo sup, kol spun, plii il anuve sonar.

Lo garson revenar, tular lo voda supinil.

E em il ja venar kon terpomos, karno e legumos.

Lo garson no oblar di an a na amik un forkel e un kotil.

E, sem kalme e kon appetit, lo cimpanzeo dekotar lo karno meze lo kotil

prenande lo pyes de karno pel forkel. (AR TU JA VIDAT T A L O ?)

Mo il ju ar ensat edi lo terpomos, il interompar e sonar insiste.

Ya, ya, rufar lo garson, mi oblar l'uza glas de rubvin.

Ilke lo garson venar kol glas plena e lo sim it vodar unorse.

Doe, lo desert sar aportat. Som pasten, sendube.

Na amik it vorar kon vidibia satisfo.

Sata, il se karesar lo ventro.

Lo menso endat, il far segno k'il dezar fumi,

Lo garson lu prezentar ilke un sigaretuyo ; il en prenar un, axeptar un alumil-box e riusar, cose muy able, alumni lo sigaret meze un d'et alumilos.

Dune, il se ir instalat muy konfortable in un longsidil pripat etintente.

Dun il fumar paxale, il gozar vidible de sa okup, lande skapi lo fum pe sa narencos, e formande ete nel er let fun-cirkos.

Vit il ar endat fumi l'enta sigaret, dey il kure deponar lo megot in un sinil ki sar ol tablo.

M O I L R I S T A R S I D A T .

E ben, l'amik, car lo garson, eto tu far NI, risti sidat van menso endat !

M O E M L O P L E K :

Sodene lo cimpanzec mirar um so e il plaudar, lo ki mindar :

VU TOS nonok me ar plaudat ... L'adseros komprenar e ruse plaudar.

Kom vedar ?

Oje belvedar ! (Oje belved !)

Ved sar po ji bela.

Nos or un bel idado.

Tanmele, den yer ved sir nokonstanta e varyibla.

Mi it ar akorgat ; mi ar sat sorprenat pe un akuon/pluvon
e banonat/trubanat us ostos.

Tu ir donk nur pluvil/ombrel, nor mant/survest/palto ?

Lo cel sir tan bela ke mi ir prat nil prekauto fartande.

Ya, mo ved sir ceva, varmo sir akabliŝa e ye sir nel cel som
let nubos kupra ki anonsir orago.

Mi krir zi se disipor.

Tu ar kontat sen ta ospo.

Vey, ya. Sedene lo vent soplir, lo cel se koprir kon gros nubos
e un pluv derota mixat kon grel venir me kolpi.

Pov amik ! E vo sir tu yennomente ?

A un semilyogo dal urb, in plen kampan.

Tu pir donk no te abrigi ?

Noposibla. Ye sir ben som nuceyeros nel feldos, mo tu spar kan
sar danga rifugi su un arb dun orago.

Mo alor tu ar ricat l'enta akuon ?

C e r t e !

Adi a eto ke eklos e dondros suxedir sen rilax e ke lo vent
me prir ma c a p .

Un malox ni venar sola. (ni oxar sola).

Mi kursir dre it e mi ir l'ix it stopa tande ma ped sure.

Exela mezo po di un form originala a sa cap !

Tu ridar ; mo mi no ridir. Mi sir aranjonat as un furter :

ma sutos no plue tenir a ma pedos, ma pant alba sir krotat
us lo zunos, ma kaplos pendir as kandelos e ma cap
formir un diversel.

Tu shir si bela videnda ?

No sar t o .

Nok un malaventur ?

Ben nesir domeli.

R a g a .

E noposibla tri un k o c .

Eto koncepibla.

Sedene l'orago cesar as pe inkant.

I x e i

Lo nubos disipar, lo solyo reparsar, akos fluar e evaporar.

Em tu salvat.

Krar tu ? ditrompi te .

Apene l'orago sir pasat, un ful de promeneros exir dai urb
e se spansir ol kampan.

Nilo plu plaza as promeni de un orago.

Ya, mo nilo plu malplaza as si vidat pe sa amikos e konelos
van so aspar as mi sir.

Mo nokyes, kur tu no ir prat un p l u v i l . ?

Per mi no var i lo videl d'un maestro dorfoskola.

Pror tu minste un liva zompalto ol bras, es nos exor sun ?

No, sar tro zenifa.

Endale, ma amik, tu nomendibla.

Shak om reensar l'omeyo.

- Un let infan sar parelya, mulelte, al un de na dus avelos, apene exenat dal animaleso primitiva.

Gradeye it avansar nel viv, it prar konshe del exa mond kol sam marvados e lo sam teroros ja konat yo mileyos de seklos, pel almo del prima sec ki sir dinya del nam d'om.

Miri le admirande, adorande lo lum, derkande ver it la okos nok velyat, it porgande sun la brasos, it voxande un kulto salutande kon un kulto naiva e ferva.

Un infan sar un vereda idolatrist : lo fok sar la suprema deo.

Dose, il dear to ki lu parar bela, grandyoza e nokomprenibla.

Il s'aftrar pe un rum tro klamora, pe un jesto tro bruska, pe un vort tro viva. Il ar pav del ombro, de solemo, d'abandon.

Et kam, vo tu ju le lir sola un instant, sar po il, dep il se ye vidar sen garder, un lok timenda, plena d'imboskados e periklos.

IL PLORAR,

IL RUPAR ,

IL PEDENTAR.

So akursar.

So lu dicar :

- Mala bimbo ! Sem nesar so sti nir il ! Sar il donk no ben ik, in et bel kam, plena de moblos konat, nir un bon fok ki spansar un dulka varmo ?

- NO, il ye no sar ben, den il ar pav.... Il timar TO : et profunda klozoyos, et sidilos, et tablo a keo of il ar urtat sa let fronto.

Il sar, in et kam, as lo vilda nel gran forest virga ...

An etun timar to ki l'umar : l'imensa arbos, lo bushos spesa in keos se skelar lo pridobestos e us lo mistera sil ki parar toye veni ver il ut l'interadi in sa plikelos briva.

SHAK OM, MI DICAR, R E E N S A R L'OMEYO.

UN JENTELMAN entrar in un bar e askar du wiskis.

A va san ! Il en bar un.

A va san ! e lo jentelman bar l'osa.

ETO DURAR TRE VEKOS.

Lo bos e lo barman - intrigat - decidir le aski kur il askar du wiskis.

Lo jentelman rispar :

- Mi ar un amik in Sudamerik e shak id nos bar un wiski a na rispektiva san.

Un mes plu tarde,

lo jentelman entrar e askar nur un wiski.

Lo barman e lo bos mirucar, no komprenande.

Dan lo bos al jentelman :

" Me skuzi, Sir, somo NO gar va amik ? "

Oh no, rispar lo jentelman, nur po miself mi noplue par bi ...

(= il donk nok bar lo glas de sa amik !)

(Soven d'un bon amik L.C.)

L'infanos ar to, eske lo ke so tular a zi.

J. Prévert.

Tan amor in un tan let kor. (JANINE). To sar perdat, eske IX. (Prévert).